

Stichting Algemene Bejaardenzorg Aruba cu director nobo entrante luna di April



ORANJESTAD (AAN): Raad van Toezicht ta anuncia cu Sulima Geerman entrante 15 di april 2024 lo asumi e cargo di

director nobo di Stichting Algemene Bejaardenzorg Aruba, SABA.

Cu Sulima SABA a encontra un director su-

mamente califica y motiva. Actualmente Sulima ainda ta traha como cluster-manager na Dr. Horacio O. Oduber Hospital na

Aruba. Ta gradici HOH pa ta asina dispuesto pa coopera cu transicion di Sulima di su funcion na HOH pa SABA.

Prome cu Sulima a drenta servicio na HOH na 2019 el a traha pa Sanquin Plasma na Hulanda. Ey nan el a doctora na Universidad di Amsterdam, despues cu el a obtene su master den 'biomedical sciences'. Sulima ta casa y tin 2 yiu. E ta un Rubiano lanta na Daimari.

Dos cita for di su carta di solicitud: "Esta un oportunidad unico y bunita!" y "Mi pasion ta den cuida y calidad, y e

combinacion di e dosnan aki". Nos ta spera cu boso tambe, mescos cu nos, lo keda afecta pa su entusiasmo y profesionalidad. E demanda cada biaha mas grandi pa cuida cronico na Aruba ta trece bunita reto nan pa SABA.

"Nos ta convenci cu Sulima ta e persona indica pa lidera e proceso di transformacion den SABA, fortificando SABA su rol importante den e cadena di cuida di adulto mayor na Aruba. Nos ta desea Sulima y boso tur hopi exito den esaki. Hunto nos ta bay traha duro y logra cosnan bunita".